

則爲愁眉啼粧折腰步、齟齬咲施朱傅粉、倡歌淫樂、以求妖媚、父母夫聳不誠、口丞雖逢行人旅客、不嫌一宵之佳會、徵髮之餘、自獻千金繡服錦衣金釵鈿匣之具、莫不悉有之、不耕一畝田、不採一枝桑、故不屬縣官、皆非土民、自限浪人、上不知王公、傍不怕牧宰、以無課役爲一生之樂、夜則祭百神、鼓舞喧嘩、以祈福助、東國美濃參河遠江等黨爲豪貴、山陽播州山陰馬州等黨次之、西海黨爲下、其名備則小三、日百、三千載、萬歲、小君、孫君等也、動韓娥之塵、餘音繞梁、聞者霑纓、不能自休、今樣、古川樣、足柄、片下、催馬樂、里鳥子、田歌神歌、掉歌、辻歌、滿固、風俗、呪師、別法師之類、不可勝計、卽是天下之一物也、誰不哀隣者哉、

○按ズルニ、群書類從ニ收ムル所ノ傀儡子記ニハ、大藏卿匡房卿ノ作ト爲セリ、

〔本朝無題詩人倫〕傀儡子

法性寺入道殿下○藤原忠通

傀儡子素往來頻、萬里之間居尙新、卜宿獨歌山月夜、尋蹤不定野煙春、壯年華洛寵光女、暮齒蓬廬留守人、行客征夫遙側目、是斯髮白面空虧○二首略

藤原敦光

穹盧蓄妓各容身、山作屏風苔花茵、棲類胡中無定地、歌傳梁上有遺塵、旅亭月冷夕尋客、古社嵐寒朝賽神、貞女峽邊難接跡、望夫石下欲占隣、秋籬花悴螢知夜、青冢草疎馬待春濃州傀儡子所居謂之青冢、閑停短楫談笑好、一時輕勿訝交親○一首略

中原廣俊

傀儡子徒無禮儀、其中多女被人知、茅簷是近山林構、竹戶屢追水草移、旅客來時心竊悅、行人過處眼相窺、歌應折柳是家產、業不採桑何土宜、宛轉蛾眉殘月細、嬋娟蟬鬢暮雲垂、千年契芳誰夫婦、一夜宿緣忽別離、賣色丹州容忘醜丹波國傀儡女、容醜皆醜、故云、得名赤坂口多髭參河國赤坂傀儡女、有多髭之者、號口髭、故云、施朱傅粉偏求媚、徵髮幾祈神與祇